



國家清史編纂委員會 · 文獻叢刊

萬斯同全集

②

本書出版得到國家古籍整理出版專項經費資助
本書出版得到鄞州區地方文獻整理委員會經費資助

國家清史編纂委員會·文獻叢刊

萬斯同全集

2

方祖猷 主編

寧波出版社

補歷代史表編輯點校說明

補歷代史表七十三卷。

補歷代史表，又稱歷代史表。由於自後漢書以下，僅新唐書有表，其餘各史皆無表，故萬斯同按史記、漢書之例，作表補之，所以稱補歷代史表。萬氏友人劉坊所作萬季野先生行狀和萬經輯續濠梁萬氏宗譜，均稱補歷代史表，並說『已刻五十三卷』。而楊賓萬季野傳則稱六十卷。故本書不取歷代史表書名。此書大部分作於京師修史以前，後來陸續補入。

四庫全書總目提要說：『其書自正史本紀、志、傳以外，參考唐六典、通典、通志、通鑑、冊府元龜諸書及各家雜史，次第彙載，使列朝掌故，端緒整然，於史學殊爲有助。』並指出與熊方所補後漢書年表、鄭樵通志年譜及當時人所作之十六國年表相比，『其網羅繁富、數聚區分，均不及斯同此書之賅備』。可知此書的史學價值。

目前，補歷代史表僅有一種萬季野歷代史表稿鈔本，原藏於寧波藏書家馮貞羣伏跗室，今藏於天一閣，共七冊，不分卷，一十三篇。從鈔寫體例看，此鈔本係三種以上鈔本合併而成。這一十三篇中有兩篇重複，未刊稿有十七篇。

至於以『補歷代史表』或『歷代史表』爲名的已刻版本則不少，主要有下列六種：

一、康熙時的四雪草堂初刻本。張壽鏞在二十五史補編的歷代史表漢將相大臣年表的校記中說：『余藏有此本。卷首有四雪草堂稿紙二頁，曰『補歷代史表』。書中蓋有四雪草堂印。』然此本今已佚。

二、乾隆時的四庫全書本，名歷代史表。五十三卷，五十八篇。按斯同友人劉坊萬季野先生行狀，稱此書『已刻五十三卷，未刻若干卷』，可知此本非完本。由於此書由四庫全書著錄，後來清代各版本，皆以歷代史表爲書名。

三、嘉慶元年留香閣本。五十九卷，六十七篇。嘉慶七年又重刻。留香閣本很重要，實爲後來各本所據。

四、光緒十五年廣雅書局本。此本即據留香閣本重新校刻，卷數、篇數皆同。民國期間叢書集成初編本則據廣雅書局本縮小影印，而四部備要本則據廣雅書局本重新排印出版。萬有文庫本亦然。

五、開明書局本。民國二十五年，開明書局出版二十五史補編，收有歷代史表。此表既收廣雅書局五十九卷六十七篇，又收伏跗室藏萬季野歷代史表稿中未刊之十七篇，共八十四篇。是爲萬氏此表刊刻以來最全之版本。故在一九五

五年至一九五七年，相繼重版。然此本不以表格形式出版，故本書不以此本為底本。

六、四明叢書本。民國二十七年出版。此本為張壽鏞取萬季野歷代史表稿中未刊之十七篇，加上第一篇後未立標題之新莽大臣年表和在唐宦官封爵表所附之武氏諸王表二篇，共十九篇，刊入四明叢書第七集。書名為補歷代史表，是為自乾隆四十七年（一七八二）四庫全書本取名歷代史表後，歷經一百五十六年，始恢復補歷代史表名。

由於開明書局二十五史補編本雖較完整，但已為出版者重新排列，失去原有之表格形式，故本書以四庫全書本為底本，其不足之數，則採叢書集成初編本、四明叢書本、萬季野歷代史表稿鈔本而成。史表的内容，則與二十四史相關史書校對後出校記。四庫全書本原有黃宗羲、李杲堂、朱彝尊三篇序，編者又發現於其他書籍的萬言、王源、阮元、吳錫麟、張壽鏞之序，按所寫年代次序相繼編於後，在每篇文後注明出處。

由於原刻本較粗糙，刻錯刻漏處不少，我們經與二十四史相應各本校對後，凡是人名、地名、官職有錯者，出校逕改。其他如月份有誤，一般保留原稿原貌，出校以說明之。有遺漏者，據原本體例第一次出現人名應有姓，如發現有名無姓則補之。然也可能前一年應有其人而漏刻，則在前一年補之，皆出校說明。至於事跡有異，如有兩種資料說明有誤，出校改，如僅有一種資料與原本不同，不改，出校而存其說。由於萬季野歷代史表稿鈔本內容雖少，因無刊刻之誤，本書盡可能以此鈔本為校本。

四庫全書總目提要

四庫館臣

補歷代史表二十五十三卷，國朝萬斯同撰，斯同有廟制圖考，已著錄。是編以十七史自後漢書以下，惟新唐書有表，餘皆闕如，故各爲補撰。宗史記、前漢書之例，作諸王世表、外戚侯表、外戚諸王世表、異姓諸王世表、將相大臣及九卿年表；宗新唐書之例，作方鎮年表、諸鎮年表。其宦官侯表、大事年表，則斯同自創之例也。其書自正史本紀、志、傳以外，參考唐六典、通典、通志、通鑑、冊府元龜諸書，及各家雜史，次第彙載，使列朝掌故，端緒釐然，于史學殊爲有助。考自宋以前惟後漢書有熊方所補年表，他如鄭樵通志、年譜僅記一朝大事，及正閏治天。其于諸王、將相、公卿大臣興廢，拜罷之由，率略而不書。近人作十六國年表，亦多舛漏。其網羅繁富，類聚區分，均不及斯同此書之賅備。惟晉書既補功臣世表，是歷代皆所當補。十六國如成、趙、燕、秦，既有將相大臣年表，則十國如南唐、南漢、北漢、閩、蜀不當獨闕。又魏將相大臣中，不載上大將軍，五代諸王世表，獨闕後漢，注謂後漢子弟，未嘗封王，然考承訓追封魏王，承勳追封陳王，與後周鄒、杞、越、吳諸王，事同一例，何以獨削而不登？是皆其偶有脫略者。然核其大體，則精密者居多，亦所謂過一而功十者矣。

補歷代史表序

黃宗羲

自科舉之學盛，而史學遂廢。昔蔡京、蔡卞當國，欲絕滅史學，即資治通鑑板亦議毀之，然而不能。今未嘗有史學之禁，而讀史者顧無其人，由是而歎人才之日下也。憶余十九、二十歲時，讀二十一史，每日丹鉛一本，遲明而起，雞鳴方已，蓋兩年而畢。然賦性魯鈍，一傳未終，已迷其姓氏者，往往有之。朱子云：『思慮計畫者，魂之爲也；記憶辨別者，魄之爲也。』固知余之魄弱也。先忠端公就逮時，途中謂某曰：『汝近日心羸，不必看時文，且將架上獻徵錄涉略可也。』自後三年，始讀二十一史，因先公之言也。夫二十一史所載，凡經世之業亦無不備矣，然其間缺略甚多。司馬遷創爲本紀、志八書即志、表、列傳，諸史皆因之。後漢即有志而無表，三國表、志並無矣。以南朝而言，晉、宋、齊、梁、陳皆無表，梁、陳並無志也。以北朝而言，魏、齊、周、隋皆無表，齊、周並無志也。唐之志、表極詳。五代既無表，而司天、職方二考，則律曆、五行、地理三志之略，其他不能及。宋、遼、金、元，志表俱備，然據所可考者作表，不計詳略，豈非讀史者之憾乎？是故杜氏通典、鄭樵通志、文獻通考，皆足以補史志之缺文。而補表者，古今以來無其人也。宋謝翱嘗采獨行，作秦漢之際月表，今亦亡矣。即以志而論，傳世久遠，亦多錯誤。如漢律曆志『統母』誤爲『統法』，『見月法』誤爲『月法』，『見月日法』誤爲『日法』。至於『除法』，尤爲錯亂，余推冷州鳩七律方爲之改正。後漢律曆志所列元紀蓂莢之法，以乾鑿度較之，大概不合。同出於四分，而鑿度可推，曆志不可推，其爲誤也多矣。

余友萬季野，讀書五行並下，弘羊潛計，安世默識，季野準之，誠不足怪，而尤熟於明室之典故。詔修明史，總裁令其以白衣領事，見之者無不咨其博洽。嘗補二十一史表五十四卷，朝士奇之，欲與刊行，誠不朽之盛事。余憶崇禎己巳，於陳眉公坐上，遇許子洽有明館閣九卿表初成，見之惟爲奇書，此不過目前一代之考索。而季野能追考於千載之上，豈不謂尤奇耶？嗟乎！元之亡也，危素趨報恩寺，將入井中。僧大梓云：『國史非公莫知，公死，是死國之史也。』素是以不死。後修元史，不聞素一記詞之贊。及明之亡，朝之任史事者眾矣，顧獨藉一草野之萬季野以留之，不亦可慨也夫！

康熙壬申歲季秋，姚江黃宗羲太冲撰。

四庫全書本。

補歷代史表序

李杲堂

太史公撰史記，上自黃帝至本朝，又以並時異世，年差不明，作十表，內分爲世表、年表、月表。班氏撰漢書，稍變其體，作八年表。然蘭臺端述本朝，而乃更次第古今人物，此則可已也。及范蔚宗作後漢書，所注意惟在列傳、諸論贊，雖八志尚謂不盡。前此撰東漢二十二家，亦惟邊韶，崔寔嘗有百官表，蔚宗亦改爲百官志，而表遂闕焉。陳壽而下，即志猶未備。至唐書始復作表，然其所載大臣世系哀然數卷，於國史中詳作宰相家乘，亦何謂也？後五代書復無表。宋司馬文正公既作通鑑，亦以編年之書雜記眾國事，差次不齊，因倣太史公年表例，採其大事精語，年經月緯，作爲目錄三十卷，而後史家之事備焉。

吾友萬季野負異稟，讀書數行下，少時嘗愾蔚宗無表，因補作東漢諸王、功臣世表，大臣、九卿年表，外戚、宦者侯表，凡六篇。自後遂徧作三國、晉、南北朝，自蜀漢迄隋諸王、大臣、方鎮表。三國則倣大事記作三國大事年表，隋唐之際，則倣秦、楚之際作月表，共三十五篇。又補作後五代、十國表八篇，附錄前後僭國將相表十一篇。大略乘時者興，用人者霸，得地者強，斯其起滅之本也，季野於史學可謂勤矣！夫蘭臺生於東漢，去西京不遠，本朝文獻方策未亡，然其王子侯表尚有失書侯所食邑名者，某人嗣不具年月者；百官表有姓名不具者，失載遷免者，俱爲史之闕文。今季野生千載而後，惟從史傳鑒本中精覽詳稽，心通本末，定其世次歲月，以補前人所未有，其事益難。太史公論作史之法：一曰深思，一曰深考。蓋後來著述家，未有不審於經營、慎於證辨而能成一家之書者也。季野益習於本朝文獻，又嘗作開國以後至監國、行朝功臣將相內外諸大臣年表，以備史官採錄。適季野修吾鄉郡乘，先覽舊書諸列傳，見所載某年先輩爲某官行事，季野隨覽隨判其上曰：是年某月，此公已遷去，代者爲某，何得以甲冒乙？如是甚多。他人復驗之，不爽月日。季野第六兄充宗，博通經學，每讀一經，輒盡集古今先儒諸說經家。間有得自梨洲黃先生，多世所未傳，充宗錄其言尤精者，率蚊腳細書，歲積至十餘卷。萬氏兄弟於經史之學若此，其視今世學者爲何如也。康熙丙辰歲季春，同里李

鄴嗣杲堂撰。

四庫全書本。

補歷代史表序

朱彝尊

易編年爲紀傳，古史之法微矣。其遺意猶存者，吾於表有取焉。表或年經而國緯，或國經而年緯，或主地，或主時，或主世系，事微不著者錄而見之。劉知幾曰：『於帝王則叙其子孫，於公侯則紀其年月。列行縈紆以相屬，編字戢耑而相排，使讀書閱文便睹，舉目可詳。此其所以爲快也。乃又詘其煩費無用，得之不爲益，失之不爲損。』豈爲論乎？班固而後，表多闕焉不作，伏無忌、黃景之諸王王子功臣恩澤侯表，邊韶、崔實、延篤之百官表作矣而不傳，袁希之之漢表、熊方之後漢表、李燾之歷代宰相年表，補前人之闕矣而未備。成學之人欲覽其要不得，未嘗勿憾焉。鄞人萬斯同字季野，取歷代正史之未著表者，一一補之，凡六十篇，益以明史表一十三篇。攬萬里於尺寸之內，羅百世於方冊之間。其用心也勤，其考稽也博，俾覽者有快於心，庶幾成學之助，而無煩費無用之失者。與昔之論史者，每以漢書古今人物表爲非，然韓祐續之，猶見收於唐志。矧季野所編皆歷代史所必不可闕者，用以鏡當世之得失，雖附諸史，並頒之學宮，奚不可也。康熙壬申歲季春，秀水朱彝尊撰。四庫全書本。

歷代史表序

萬言

史遷有言，虞卿非窮愁不能著書。夫窮愁者，通樂之對也。人幸而處通且樂之境，四體既安，百用具備，天下之物日進而攻取於前，吾方寸之心，肆應之猶不暇，其得留餘地以自盡于文字者，幾希矣。窮愁者不然，一身之外，無可以役吾情，則其志專；一日之中，無可以息吾體，則其思苦。專，故所入者深；苦，故所遇者旨，宜其透脫流露而悉併之楮墨之上也。乃昧者猶以我之所無，羨彼之所有，而不自重共所得焉，何怪彼之鼓其空腹利舌，以日加於我乎？

然吾觀自漢以來，儒之見用於時，如賈、鼂、董、劉之輩，既發爲大篇，獻其所可，替其所否，於上以爲德，而下爲民矣。其在野者，亦相與鑽研聖人遺經作訓，故授之其徒以傳之於後，毛、伏而下，皆其人也。求爲流連光景，抒寫性情，如後世序、記、閑適等篇，未之前聞，蓋晉、宋之季，始漸盛焉。彼其撫時觸事，非不可以各見其志，而於斯世之治亂，生人之休戚，竟漠然無與，則雖積之至於充棟，終無當乎著書之數也。然而志乎大者，其爲力難，志乎小者，其爲力易，故一輩學人，其陋者固程文是徇，即稍知撰述者，不遇鬪異於泉石之間，爭新於投贈之際，以自適己事而已，吾甚慨乎古立言之目，必非此輩足以當之，而思得有心者以一罄此懷也。

先高祖中府府君向有明經濟文錄一書，分開國、保治六部、及兩京、十三布政司、四裔諸條，而以列聖御制、名臣章疏暨私家論說充之。言因欲上溯宋、唐，迄於兩漢，益以儒林講說而去其重複，削其附會者，以增於首簡。又自秦漢逮明朝廟之樂章、士大夫之歌詠有得於感發懲創之義者，亦合爲一編，分爲正變，序而傳之。其他游適自好之詩文，則別爲外集以恣山人游士之取擇焉。蓄之數年，以授經去家，作輟未就。

叔父季野先生，幼嗜史學，於二十一史之紀傳書志，貫穿歷落，可指掌間。以暇目爲東漢、三國後諸王、大臣年表，以補舊史之闕，而尤詳於明，自內閣九卿以至卿貳、督撫，并留都亦備列焉，以謂異日史館中傳其行事，欲求其封拜、遷卒歲月，一舉輒得之，而以某人治、某人亂，因之可考也。嗚呼！叔父處於世亦窮矣，八歲喪吾祖母，九歲喪吾曾祖母，十有八歲祖父舍之適吳，又明年亡于粵，二十八歲始受室，不五年又死，計三十三年中，六徙其家，兩更大亂。今贅居東城傅氏，敝屋兩楹，右爲卧房，左爲客座，雞埘、爨具雜陳，壘敗瓦爲門，賓至俯首而入，質穎辨難如響，應而莫窮。既退，復手一卷不輟，雖三女號饑，叔母貧臥，呼藥聲犁然勿卹也。

昌梨子曰：使子厚斥不久，窮不極，雖有出於人，其文學詞章，必不能自力以致必傳至今無疑也。則此轅軻困抑，固天所以驅叔父而成之學者乎？言曾有詩云：『窮愁聊著書，書成頗自樂；支將千載富，慰此一朝約。』則謂不以之言，而吾叔姪固已日享太牢而奏九韶矣。管邨文鈔內編。

萬季野補晉書五表序

王源

萬子季野補晉書年表三，曰將相大臣、曰方鎮、曰僭偽諸國。世表二，曰諸王、曰諸國。晉史至紛頤矣，表缺焉不備。萬子所補，詳而核，綱舉而目張，讀者一覽井然，其有功於後學甚大。千門萬戶，構於指掌，才也；若陰木，若陽木，某材當某任，或任或否，無失分黍，識也。乃吾讀左氏傳、漢書天官、地志、律曆、職官、儀度、兵、農、刑、法、六藝，百家之說，數千年因革損益，莫不綜貫精微，鎔鍊該瞻。以司馬遷之才，或猶譏其淺陋，學顧不重乎？然易編年爲紀、傳，實遷創體。網羅洪荒、三代、春秋、戰國、秦、漢軼事，一人自爲終始。讀者誠知其難，故統之以表，兼總條貫，而後可以得其要。是表乃紀傳必不可無者。司馬光作通鑑，猶倣年表爲目錄，他史悉祖龍門，乃自陳壽、范曄而下，例不爲表。晉書尤不可無表，率略而不載，何歟？

萬子史學既淹，尤熟於國史，列朝實錄，幾成誦。其他載籍以百數，博覽強記，以準於實錄。無論何代不數見之人，何事叩之，莫不原委條晰，使問者暢其意以去。且夫晉書踵六朝餘陋，史筆蕩然。太宗何所取而獵之以爲名。其他八書，南北史類然，新唐書校優，而不及五代史。降及宋元，庸俗還劣，其陋遠出晉書下。說者多譏其才識不逮，然使有才識而無學，猶棟、庀、桷、榑、石之材，漫無庀，而欲造千門萬戶之阿房、未央，凌雲通天承露之金莖，即般輪曷濟？蓋學者，史之本；才識者，史之用。學者，徵其實；才識者，運於虛。扶搖羊角，虛也，使非有垂大之翼，數千里之背，又孰以之九萬里而南乎？此萬子之學所爲不可及也。雖然，淺見寡聞，其失也疏，學博者，或失之枝。古今人表，何與於漢？宰相世系，何關於朝廷？公羊傳曰：『接菑也四，纘且也六。』四也，駢；六也，枝，是二者，皆萬子之所笑也。居業堂文集。

補歷代史表重刊序

阮元

寧波教授丁君小山，鄞縣孫對澗，重刻鄉先輩萬季野歷代史表，請元爲序。元從文瀾閣借得鈔本，敬錄提要冠於卷首，其著作之功，足彰之矣。元竊謂史表之作有二端：本紀、列傳所不能詳，列之爲表，一也；讀史者析其繁雜，以表齊之，二也。其一補紀、傳之闕，其一合紀、傳之分，其體相類，其旨則殊矣。史、漢於十八功臣如奚涓、王吸、丁復、蠡達〔一〕皆不立傳，丞相中若陶青、劉舍之等亦無傳，此表所以作也。後漢、三國、晉、北魏、隋其列傳已詳備無遺闕，故不立表，非不知立表也。萬氏補歷史之表，則所謂析其繁雜，以表齊之者也。用力至勤，有裨於後學者甚鉅。元每讀史書，必置諸座右，頗樂其使。今綜而論之，俾學者知作史之法與讀史之法，其指歸各有在也。兩浙督學使者儀徵阮元。二十五史補編本。

【校記】

〔一〕『蠡達』，一作『蠡逢』，見史記高祖功臣侯年表曲城：『六年三月庚子，圍侯蠡逢元年。』

補歷代史表重刊序

吳錫麒

鄞縣萬季野先生所著歷代史表六十篇，明史表一十三篇，竹垞翁序之詳矣。後寧波教授丁君小山、鄞縣孫君對澗復刊行之；芸臺中丞爲之序，誠以有裨史學，使讀者於數千百年之後而溯數千百年以前，若列眉，若指掌。或經或緯，詮貫靡遺，故足貴也。惟是卷葉浩繁，傳世者少。其鄉人舒君石溪爲元和宰，從對澗處購得是板，將廣爲刷印而流布之，特屬余一言爲序。余謂石溪以從政才，而能耽心荜枕，孜孜於史學中，則古來循吏之名皆在於是。既可取以自鑒，而復能章其鄉先輩之美，並使天下爲政者，知不可不讀書也，豈不善哉！豈不善哉！嘉慶七年夏六月上浣，錢唐吳錫麒。

十五史補編本。

補歷代史表序

張壽鏞

萬季野先生撰歷代史表，證諸李杲堂序『愼後漢書無表』之說，其初固自東漢始也。然亦謂之『凡六十篇』。而黃梨洲則概括言之曰：『概二十一史多無表，乃悉從而補之，得六十卷。』李序作於康熙丙辰，黃序作於康熙壬申，相去十六年，李先而黃後。朱竹垞之序與梨洲同年作，亦曰：『取歷代正史之未著表一一補之，凡六十篇。益以明史表一十三篇』云。浙江書錄曰：『今本共五十六卷，與朱序未符。蓋明史表向未出，而所云六十篇者，或分合有異同耳。』此說誤矣。壽鏞未見五十六卷本，清四庫所收五十三卷本，非完書也。豈獨五十三卷本非完書，即廣雅局刊五十九卷本，亦非完書也。考廣雅本五十三卷以前，悉依初刻本。自五十四卷起至五十九卷止，增吳將相大臣年表、南唐將相大臣年表、南漢將相大臣年表、蜀將相大臣年表、後蜀將相大臣年表、北漢將相大臣年表、凡六卷，與李、黃、朱三序僅少一卷，似若完書矣。今先生遺稿之藏於伏跂室主人馮孟顥者，更有前漢將相大臣年表、唐功臣世表、唐將相大臣年表、唐邊鎮年表、邊鎮十道節度使年表、諸藩君長世表、宦官封爵表、附武氏諸王表、吳越將相大臣年表、將相州鎮年表、宋大臣年表、遼諸帝統系圖、遼大臣年表、金諸帝統系圖、金將相大臣年表、衍慶宮功臣不列表，敘其人，皆廣雅本所未刊者也。於是壽鏞恍然於黃、朱二家之序言，所謂『概二十一史多無表，與取正史之未著，一一補之』者，既相符合。而清四庫謂其南唐、南漢、北漢、閩、蜀不當獨闕者，閩以外固未嘗闕也。且如前漢，如唐，如宋、遼、金，莫不補之，於是爲完書而諸疑可釋矣。至李序云云者，則先生著書有先後，其人手固自東漢始，杲堂之卒也在庚申，距作序才四年耳。黃、朱二序已不及見，遑論後出之書乎？其謂之六十篇者，意先生如唐、宋諸表，或先成之，未可知也。抑考先生康熙壬午四月歿於燕京，距壬申又復十年，其後出之書，雖黃、朱作序之日，固猶未見，更不必強求六十卷之合矣。遺稿中如吳將相大臣年表與廣雅本不同，南唐將相大臣年表、後蜀將相大臣年表稍有異同，蜀將相大臣年表及北漢將相大臣年表則一一相符，均不再刻，而就其未刻者詳爲校勘，釐訂十四卷刻之，且辨證之如此。斯表原曰補歷代史表，後人刪『補』字，今仍昔之名，亦借以補前之闕也，合五十九卷本讀之可矣。民國二十七年一月，後學張壽鏞。四明叢書本。

目錄

補歷代史表編輯點校說明	一
四庫全書總目提要	四庫館臣三
補歷代史表序	黃宗羲四
補歷代史表序	李杲堂五
補歷代史表序	朱彝尊六
歷代史表序	萬言七
萬季野補晉書五表序	王源九
補歷代史表重刊序	阮元十
補歷代史表重刊序	吳錫麒一一
補歷代史表序	張壽鏞一二
漢將相大臣年表	一
附 新莽大臣年表	三三
東漢諸帝統系圖	三七
東漢諸王世表	三八
東漢外戚侯表	四七
東漢雲臺功臣侯表	五八
東漢宦者侯表	七〇
東漢將相大臣年表	七九
東漢九卿年表	一一九

三國漢季方鎮年表	一五一
三國大事年表	一七一
三國魏國將相大臣年表	一七八
三國魏將相大臣年表	一八二
三國魏方鎮年表	一九九
三國漢將相大臣年表	二一五
三國吳將相大臣年表	二二六
三國魏諸王世表	二四六
三國漢諸王世表	二四九
三國吳諸王世表	二五〇
兩晉諸帝統系圖	二五二
晉諸王世表	二五三
晉功臣世表	二七二
晉將相大臣年表	三〇三
東晉將相大臣年表	三二七
晉方鎮年表	三五八
東晉方鎮年表	三九二
晉僭偽諸國世表	四三五
晉僭偽諸國年表	四四六
晉僞漢將相大臣年表	四七六
晉僞成將相大臣年表	四八六
晉僞趙將相大臣年表	四九四

晉僞燕將相大臣年表	五〇二
晉僞秦將相大臣年表	五〇七
晉僞後秦將相大臣年表	五二〇
晉僞後燕將相大臣年表	五二六
晉僞南燕將相大臣年表	五三三